

荊州府輿地記三

光緒湖北輿地記十四

枝江縣

沿革

禹貢荊州之地職方爾雅亦屬荊州周成王封熊繹於丹陽爲楚國丹陽本在漢秭歸縣其後自秭歸徙枝江亦名其地爲丹陽遂爲楚丹陽地史記秦齊破楚屈匄遂取丹陽是也又羅國本在漢宜城縣後楚遷之枝江於是有羅國城而莊十九年楚人禦巴人之津卽今縣西津鄉文十年麋人率百濮所聚之選在今縣南秦爲南郡地漢南郡屬荊州領縣十八其十曰枝江後漢仍舊建安十三年魏武赤壁之敗南郡入吳十九年吳蜀分荊州南郡爲蜀有二十四年南郡太守糜方降吳南郡復爲吳有吳分枝江置旌陽縣屬南郡於是南郡所領在今縣竟爲

枝江旌陽二縣屬荊州晉武大康元年平吳改南郡曰新郡尋復曰南郡枝江旌陽仍屬之隸荊州宋元嘉中省旌陽入枝江屬荊州南郡齊梁仍宋之舊承聖三年西魏克江陵以荊州一州之地封蕭詧爲附庸立江陵總管府以副之度枝江屬河東郡隸荊州後周改河東郡曰安遠郡陳平王琳遣侯瑱等西略巴湘乃收南平河東諸郡於是陳與後梁畫江爲界天嘉二年以南平河東等郡立南荊州尋省隋平陳以枝江屬南郡郡隸荊州大業末蕭詧之曾孫銑起兵據江陵僞梁王南郡爲銑有唐武德四年平蕭銑改南郡爲荊州枝江縣仍屬之天寶元年改荊州爲江陵郡乾元元年復爲荊州隸山南東道五代荊州屬南平宋熙甯六年省枝江入松滋元祐元年復置枝江縣建炎四年江陵寄治枝江置荊南府歸峽州荆門公安軍鎮撫使

五年江陵還舊治罷鎮撫使嘉熙元年枝江縣移治漸湟洲咸
淳六年移治江南白水鎮下沌市屬荆湖北路江陵府元至元
十三年改江陵府爲上路總管府天曆二年改爲中興路枝江
縣屬之隸河南江北等處行中書省明改中興路爲荊州府枝
江縣仍屬之隸湖廣布政司 國朝康熙三年分湖廣布政司
爲湖北布政司枝江縣遂屬湖北布政司荊州府

疆域

廣一十九里縱二十二里至 京師陸程三千三百六十里至
省治水程一千一百五十里陸程七百一十里至府治水程一
百八十里陸程一百五十里橫距府經線一百一十二里縱距
府緯線十一里斜距府七十九里東至松滋宜都二縣界十里
西至宜都縣界九里南至宜都縣界十八里北至宜都縣界四

光緒湖北輿地記十四

二

里東南至松滋縣界二十三里東北瀕大江至宜都縣界二里
半西南至宜都縣界二十九里西北至宜都縣界八里

天度

增日出入

緯度北極出地三十度十八分經度距 京師中線偏西五度
四分五十五秒

冬至日出卯正三刻十三分四十五秒日入酉初初刻一分十
五秒晝四刻二分三十秒夜五十五刻十二分三十秒夏至
日出卯初初刻一分十五秒日入酉正三刻十三分四十五秒
晝五十五刻十二分三十秒夜四十四刻二分三十秒

山

枝江縣東南交宜都縣界有龍王山爲枝江縣大江西南諸
山之始西南自松滋宜都交界之誥賜山分支來西北距縣

城二十一里分三支龍王山之北支曰五峯山五峯山東曰杉木山五峯山北曰元山分二支元山東北支曰石灰山又東曰馬山元山北支曰王家山又北曰毛家嶺又東入松滋縣境曰何家山又北曰洪家坡又東北爲石撒鋪小水入大江處龍王山之西南支入宜都境曰陳家山又西曰鸞鳳嶺又西南至杜家坡爲兩水合流處龍王山之西北支曰樓子碕又分三支樓子碕之西北支曰募旗山有小水出焉又北曰桃子嶺其西有花溪水出焉分二支桃子嶺東支曰火嶺鋪西曰獨樹山西南曰宋家坡桃子嶺西支曰牛頭沖有小水出焉又西曰石馬山分二支石馬山東北支曰松山又東曰乙山臨大江石馬山之西北支曰龍泉山有小水出焉北距縣城三里分三支龍泉山之東支曰陽和嶺其南有小水

出焉龍泉山之西支曰掛榜碕又北曰長山爲龍泉山之水入芭芒河處龍泉山之西北支曰金紫山注於白水港注江處此花溪以東小支山也樓子碕之西北支曰三尖山又北曰胡家山又西曰立碕又西北曰長岡又北至花溪入芭芒河處此花溪芭芒河二水間小支山也樓子碕之西支曰牛山腦又分二支牛山腦之西北支曰羅老洞又西曰龍山坪其北有小水出焉又西曰東坡腦其西北曰香爐山臨九道河又東北曰黃家山又西曰石門口一曰石龍口爲龍洞水入九道河處牛山腦之西南曰洪家嶺分二支洪家嶺西南支入宜都境曰耙頭砦又西曰松木坪又西南爲陳家河水入洞河處洪家嶺西支曰鹹池衝山宜都陳家河水出其南九道河水出其北鹹池衝山之東北曰跪馬嶺鹹池衝山西

北支曰大麥山又分二支大麥山之東支曰官木山又東北曰紙坊沖山又北曰黃家腦又北至兩水合流處大麥山之西北支曰分水嶺又西北曰碾盤沖山又東北曰雞公山有小水出焉又北曰王子山有小水出焉分二支王子山之東支曰龔家腦又北曰石山有小水出焉分二支石山東支曰長山又東曰獨柱山石山又東支曰石門沖又東北爲石山之水入九道河處王子山之北支曰良山又西爲宜都之架鍋山又北偏東曰望佛山跨宜都界又西北入宜都縣爲佛手山又東曰黃土壩東北分小支曰張家岡黃土壩西北曰白家山接宜都縣界又北入宜都縣境曰守家沖山有池溪河水出焉又分二支守家沖山東支曰青龍山又東北曰丫角嶺交宜都縣界又東曰黃土坡守家沖山北支曰望城岡

又北曰秦家坡又東曰紅碁子臨車灣河自守家沖至紅碁子屬宜都縣山此枝江縣大江西南之支山也

枝江縣東北有紫荆沖山爲枝江縣大江東北諸山之始北自當陽縣分支來西南距縣城七十五里分兩大支紫荆沖山之西支入當陽縣境曰林家沖山又西南爲花鼓店山其北有龍頭橋河水出焉分二支花鼓店山之南曰賈店山又南曰雷家腦又東南曰姚家嶺又南曰獅子山又西南曰曾家嶺又西南曰田家嶺又東南曰陳家山又南曰張家岡又東南曰葫蘆山又南曰王家嶺又東南曰金盆山臨董市河此龍頭橋三界場二水間之支山也花鼓店山之西南曰三界場山其東北有三界場河水出焉又西曰上下坡在東湖宜都兩縣之交分二支上下坡西北支入宜都縣境曰蓮花

山又西曰九龍山又東北曰官家山又西爲橫溪河水入曹家河處上下坡西南支曰羅家店山又東南曰摩月嶺又南曰劉家山又南曰龍眠嶺又西南曰張家嶺又西爲宜都屬之向家岡又東南曰董家山又東南曰黃金山黃金山西爲宜都縣之易家岡又東南曰匡鄭嶺此三界場水與宜都縣瑪瑙河二水間之支山也紫荊沖山之南曰松樹山分二支松樹山南支曰龍首嶺又分二支龍首嶺東南曰周家畧又東南曰唐家沖山又東南曰豬耳山又西曰高岡坪又南爲仙女廟小水與迴龍庵水合流處龍首嶺西南曰迴龍庵山有小水出焉又西南曰夏家嶺又東南曰長龍岡又西南曰趙家岡又東南曰周家嶺又南至胡家村爲董市河水入大江處此迴龍庵水與龍頭橋河二水間之支山也松樹山東

支曰石子嶺有水出焉東南曰雨召岡又分二支雨召岡西南支曰江家山又南曰晒經山又東曰石家峯又東曰五里岡又東曰施家岡又東北曰荒坪山又東南爲顧家墩又西南至滕家村爲顧家墩小水入大江處雨召岡東支曰朱家山又東北曰太平山又東曰靈臺山又南曰李家坡又東南爲東湖西湖兩水入沮水處此大江東北之支山也

水

大江由宜都入縣北界南流里許至白水港口有白水港會諸水自西南來注江北屬宜都兩岸皆築長隄以防

水白水港之源出縣西南二十九里鹹池衝之西東北流三里餘經官木山東麓又東流二里又北流經紙坊沖之東凡四里曰下九道河一作九字溪謂迴環如九字故名鹹池衝東

之水自東南來注

鹹池衝東之水當是縣志之邵二河屈而東流四里經熊洞南又東流三里經傅家

臺南又東北流三里會自東南來之小水又西北流經新集西又西流五里經跑馬嶺北又西北流四里會自東來楊家冲北之小水又西流 既受鹹池衝東之水又西流里許又東二里會下九道河

北流二里經香爐山西又西北流二里為上九道河有分水

嶺水合雞公山小水自西南來注約行八里上九道河水又

北流二里餘經天心堰之東會自西來王子山之小水上九

道河水又東北流二里至石門口一作石龍口會自東來之

龍洞小水上九道河水又東北流二里餘經石門冲之東北

會自西來之石山小水上九道河水又北流半里經獨樹山

東會自東南來之龍山坪水約行八里上九道河水又東北

流二里餘經黃土壩之東又東北流三里餘曰芭芒河又東

北流四里有花溪水自東南來注花溪水出邑東南十二里之募旗山南桃子嶺北西

光緒湖北輿地記十四

六

少北流六里經甯家畝北又北流五里至大溪坪又北流二里經龍泉山西又西少北流入芭芒河 芭芒河水

又東北流四里經挂榜畧西又西少北流四里會自西來之

池溪河水池溪河一作赤溪河出宜都守家冲東流入境合芭芒河水 又東北流里餘經

長山西會自東南來之龍泉山小水又北流經金紫山西黃

家坡東凡四里有宜都車灣河水來會車灣河水出宜都縣南之龍洞西北流入

里會自西來之何家園水又西北轉而東流五里過馬家橋又東流五里經周家祠之西有南出余家冲水北流十四里

來會車灣河水又東流四里至石板灘又東北流五里至秦家坡西有絞花池水東流經香河畧行一十四里來會車灣

河水又東流三里經洋津坂又東南流六里入縣西境之白水港 芭芒河會宜都車灣河水

始為白水港入於江

大江又東南流三里餘經縣城北又東南流四里右得陽和嶺

小水又東南流三里經石鼓鋪北又東南流里餘右得縣東南

之山澗水又東南流二里右得牛頭冲小水又東南流二里經

火嶺鋪東北又東流經洋溪鋪之北右得募旗山小水大江至此南岸屬松滋北岸屬宜都江心有洲曰關洲東西亘五里南北長不及二里又東流九里右得松滋石撒鋪小水又北稍東流十一里經松滋筆架山北又東流四里至漏洲首分內江外江寰宇記謂江至枝江縣百里洲首派別為內江王晦叔謂百里洲夾江沱二水間又水經云江水又東過枝江縣南今上百里洲有枝江舊城是外江之流與水經合而內江為沱也縣志云道光十年以後外江漸淤內江勝而外江微矣外江自漏洲循松滋界東流里餘至鐵石溪口右得李田湖水北流注之又東少北流七里經松滋縣城北又東少北流二里許入縣境又東流四里餘經苦草洲院右得松滋縣黑石溪小水又東流十一里經澌洋洲東又東南流五里經馮口市南有松滋縣境內之石溪河自南來注詳松滋水道篇外江水又東流二里餘右入松滋縣界又東流六里經棉絮洲之南松滋采穴鋪

東又北流十一里至流店塘左得向家湖水自苦草洲至此兩岸有隄又北與內江合內江自漏洲東稍北流三里經滄茫溪口有滄茫溪水由宜都南流來注

滄茫溪水上流河名不一最遠者當陽之夏家河夏家河在當陽縣西三十五里源出罐土冲南流八里曰泉河又南流九里曰大柳樹河又南流十里曰熊家河又南稍西流七里經席家牌坊東南會自西北來之滴水畧小水行二十二里熊家河水又南流三里曰白家河會自西北來草冲小水又南流三里經童家岡西曰沙河又南稍西流二里入東湖縣境又西折南流六里抵宜都縣界之三汊河口曰三汊河有

白水河水自東北來會白水河水出當陽西境之仙人山東代家冲西南流二十一里經許家畝東又南稍西流六里又西流入里經史家畝東有周家河水東北出當陽縣西山中東南流經石橋坡之東又南稍西流

曰黃家河又西流始名周家河又西流經黑石坡市北又西
流入白水河行二十七里白水河既合周家河水又南流八
里抵東湖縣界又西南三汊河水既會白水河水又南流半
流五里會三汊河水

里有熊家河水自西來會熊家河水出東湖縣東之天峯鋪南流八里經方山西又南流三里

為墩子河又南流二里有趙家河合楊龍橋水自西北行十二里來會熊家河水既會趙家河水始名曰熊家河又東南流七里經雅雀嶺場西南又三汊河水既會熊家河水由東

湖界入宜都境南流里許右會小南河小水又南流三里左

合鄧家溝水又西南流三里經太平洲西右會鄭家山之小

水又南稍東流四里右會梁村小水又西而東南流五里有

橫溪河水東出當陽縣境西流經東湖縣境又西流入宜都

境行九里來注三汊河水又屈而南流九里經江北汛之東

設有把總有梔子溪會諸水自西北來注梔子溪水出東湖縣東南之曾家岡南流十八里至宜都境合自西北來之鄧家河水又東南流四里會西出東湖縣境流來小水又東流經江北汛南凡五

光緒湖北輿地記十四

八

里入三汊河水又南流七里曰曹家河又西南流四里過

觀音橋又南流四里為瑪瑙河又南少東流十二里經王家

灘有淘米溪水自西來注淘米溪水出宜都縣東之城山坡南而東流十里為雅石溪又東流四里經杜家畝北又東少南流三里始名淘

米溪水又東流八里經王家灘南入瑪瑙河瑪瑙河水會淘

米溪水又東流二里抵枝江縣界分支為董市河詳後又東流

三里為枝宜兩邑交界水又南流五里經白馬堰東始名滄

茫溪又南屈曲流五里入內江

內江自滄茫溪口入縣境東北流入里經羊角洲羊角洲埧洲

漏洲三洲連屬為一三面環江漏洲其首中曰埧洲尾即羊角

也東西亘十一里南北長三里內江水又東稍北流經董市南

釐卡處有董市河會諸水自西北來注

董市河水滄茫溪支流也自宜都界分支入境東流六里經

匡鄭嶺南有三界場水自北來會

三界場在縣東北六十里交宜都當陽兩縣界其水

南流三里經新集東又南屈曲流八里經橫店子市又南屈流八里經龍眠嶺東又南少西流四里經董家山東又南流四里經黃金山又東南流三里經白鶴塢董市河會三界場東又南流六里經匡鄭嶺東會董市河

水又東南流五里經金盆山南有龍頭橋水自北來會

龍頭橋水

出縣東北當陽界東南流里餘經花鼓店之東又南流四里經賈店東林家塢西又南稍東流六里經姚家嶺東又南流十三里經施家莊之西又西南流六里經曾家嶺東又東流二里經趙家岡又南而東流經周家嶺又南流七里過龍頭橋又西南流四里至董市河既會龍頭橋水又東南流三里董市之東會董市河

入於內江

內江水又東北流七里經舊城北水經謂江水又東逕上明城北晉太元中苻堅寇荊州刺史桓沖徙渡江南使劉波築之移州治此城是也內江水又東流三里經張家臺南左得迴龍庵小水又東流二里半左得顧家墩小水又東流經上百里洲北

光緒湖北輿地記十四

九

馬家店南水經注縣左右有數十洲槃布江中其百里洲最爲大縣志百里洲中分一沱古時本一葦可杭後水道日徙日開遂有上下百里洲之分內江水又東流八里經劉家港市北又東流三里左得馬廠小水又東流里餘經江口市南有巡檢駐焉南岸卽曹家渡又東流三里半經吳家渡有永興院水會陶家湖水自北來注行二十一里內江水又東流三里經董家村南又南流九里經李家莊西張家臺東又東南流六里經流店塘東北合外江水

自羊角洲至此南岸有隄

大江既由分而合又東南流至

鷓子口縣志作窰子口古沮水入江處也今塞大江又東南流五里經下百里洲西又東南流八里經王家店西又東南流入

江陵縣境

沮水自江陵縣南入當陽懸插縣東北偏地右有碧子河水

自西來注又西南流至伏家場右會縣東境之西湖東湖水
沮水又南流至沙港右會縣境之陶家湖水又南流左有柳
港水注之沮水又東流右入縣界有支流南出焉支流自沮
里東通楊林湖又西南流五里經永豐院西又南流三里經
世興院西又西南流二里經張家臺東又南流三里經朱家
洲西至鷓沮水正流又東南流經婁洲院又南流右會楊林
湖水又南流至王家渡右會瓦窰湖水又南稍東流右岸入

江陵縣境

里數詳江陵水道篇

鄉鎮

縣有市集二十三鄉七

江口市在城東北九十里有巡檢駐此董市在城東北六十里
馮口市在城東八十里劉家港市在城東八十里問安寺市在
城東北一百一十里石子嶺市在城東北一百一十里橫店子

光緒湖北輿地記十四

十

市在城東北九十里三界場在城北一百一十里接當陽宜都
界新集在城北一百又八里羅家店在城北一百里彭家店在
城北一百又五里錫家店在城北九十里周家場在城東北九
十里草埠街在城東北一百二十里新場在城東北一百三十
里徐家新場在城東北九十里馬家店在城東北八十里蕭家
店在城東北九十八里夏家店在城東北一百又五里賈店在
城東北一百又六里楊家場在城東六十五里和尚店一作陽
和店在城南二十五里洋溪在城東南一十五里
鄉七曰陽和店鄉曰拽車廟鄉曰橫店子鄉曰周家場鄉曰高
峯寺鄉曰石子嶺鄉曰三界場鄉

羊角汎在城東南五十里

東路二鋪曰石鼓鋪曰火嶺鋪至松滋縣界凡十五里

職官

知縣 教諭 訓導 巡檢 駐江口市 典史 千總 駐羊角洲 把總

宜都縣

沿革

禹貢荊州之地職方爾雅亦屬荊州周屬楚秦為南郡地漢南郡屬荊州領縣十八在今縣竟為夷道一縣後漢仍舊建安十三年劉琮降魏魏盡有荊州之地分南郡枝江以西為臨江郡及赤壁之敗臨江郡入蜀改為宜都郡十九年吳蜀分荊州宜都郡仍為蜀有二十四年蜀先主敗於猇亭宜都郡入吳夷道縣屬之隸荊州晉夷道縣仍屬荊州宜都郡晉末又分夷道縣置宜昌縣屬宜都郡於是宜都郡所領在今縣境為夷道宜昌二縣宋宜都郡徙治夷道縣宜昌縣屬之隸荊州於是今縣境

光緒湖北輿地記十四

十二

有宜都郡治所矣齊因宋制梁於宜都郡置宜州領宜都郡郡所領在今縣境為夷道宜都二縣宜都即改晉末所置宜昌縣也西魏改宜州為拓州領宜都郡郡所領在今縣境為夷道宜都受陵歸化四縣受陵歸化蓋分夷道宜都二縣地置後周改拓州為峽州陳文帝平王琳遣侯瑱等西略巴湘乃收南平河東宜都諸郡於是陳與後梁畫江為界天嘉二年以南平宜都等郡為南荊州尋省光大二年改夷道為宜都縣後梁復於江北岸別置夷道縣并立宜都郡治焉大建二年章昭達攻後梁拔安蜀城 在今宜都縣荆門山之西南 置信州隋開皇七年併梁九年平陳改陳之宜都縣為宜昌縣并置松州十一年廢松州省西魏之宜都縣入宜昌其受陵歸化二縣當亦并入宜昌縣大業初以宜昌屬南郡又以後梁所置之夷道縣屬夷陵郡夷陵郡即後

周之峽州所改而陳之信州蓋已廢矣於是今縣境分屬於南郡夷陵郡二郡均隸荊州大業末蕭詧之曾孫銑起兵據江陵僂梁王南郡夷陵郡皆爲銑有唐武德二年收夷陵郡置峽州夷道縣仍屬之又置江州割南郡之宜昌縣屬之尋改宜昌爲宜都六年改江州爲東松州貞觀八年廢東松州省夷道入宜都縣而宜都疆域與今合屬峽州天寶元年改峽州爲夷陵郡乾元元年復爲峽州隸山南東道五代峽州梁屬蜀唐晉漢周屬南平宋峽州爲峽州夷陵郡軍事宜都縣屬之隸荊湖北路元至元十七年升峽州爲峽州路宜都縣仍屬之隸河南江北等處行中書省荊湖北道明太祖甲辰年改峽州路爲峽州府旋降爲州洪武九年改峽州爲夷陵州宜都縣屬之隸湖廣布政司荊州府 國朝康熙三年分湖廣布政司爲湖北布政司

雍正十三年升夷陵州爲宜昌府以宜都屬荊州府隸湖北布政司

疆域

廣六十二里縱五十八里至 京師陸程三千四百六十里至省水程九百九十里陸程七百四十里至府陸程一百八十里橫距府經線百二十里縱距府緯線八里半斜距府百一十四里東至枝江縣東境界三十六里西至宜昌縣長陽縣界二十六里南至枝江縣界二十二里北至宜昌府東湖縣界三十六里東南至松滋枝江二縣界三十五里東北至宜昌府東湖縣界五十一里西南至宜昌府長樂長陽二縣界七十三里西北至宜昌府長陽東湖二縣界四十九里

天度 增 日出入

緯度北極出地三十度二十三分五十五秒經度距 京師中
線偏西五度八分三十八秒

冬至日出卯正三刻十三分五十八秒日入酉初初刻一分二
秒晝四十刻二分四秒夜五十五刻十二分五十六秒夏至日
出卯初初刻一分二秒日入酉正三刻十三分五十八秒晝五
十五刻十二分五十六秒夜四十刻二分四秒

山

楊橋山在縣南五十九里縣與松滋長樂三縣界山也其原
自長樂來楊橋山之西北曰麻鳥山又西北曰分水嶺其西
北小支曰鄧家坡又自分水嶺西至大風口其東北小支曰
小尖峯又自大風口西迤曰大峯尖自楊橋山西迤至此爲
縣與長樂界山楊橋山之北曰晒經山又北曰風鼓洞西南

光緒湖北輿地記十四

三

有小水出焉又自楊橋山東北至余家腦西其東小支曰蘇
家山又東曰白碣口又東北曰董家坡東臨滄水又自余家
腦西東北至藍家堰北又北曰雞子碣分三支雞子碣之東
曰團峯東北臨燕兒窩水雞子碣之西曰張家壩又西至伍
家凹北又西迤過長樂懸屬之地曰金鍾山又分二支南支
曰馬鬃嶺又西止於漢洋河北支曰張谷嶺又西曰十三尖
又西止於漢洋河自張家壩至此爲魯家沖水以北劉家村
水以南一小支山也雞子碣之北曰丁家坡又西北曰高白
碣又分三支高白碣之東曰天臺山又分三支其東北曰柴
家坡其南曰燕兒窩南有小水出焉其東曰四方腦又東曰
楊家嶺又東南抵枝江縣界曰章家池有陳家河水出焉高
白碣之西北曰丁家山又北曰讀書碣高白碣之北曰趙家

坡又北曰真武山又分三支真武山之東支曰彭家塢又東至香木坪其北曰龍洞東有車灣河水出焉又自香木坪北至謝家臺又北曰連山坡又東北曰求雨腦又東北止於車灣河真武山之西支曰獅子包其北曰紫草坑其南曰沙子嶺又自獅子包西至羅家洞北南有小水出焉其西北曰顧家塢其西南曰麻廟山又自羅家洞北西至蒿坪東又分二支南支曰土地嶺又東南止於劉家村水北支曰小麻山又西北止於漢洋河真武山之北支曰楊家山其東小支曰牛娃嶺又自楊家山西北迤曰鄧家山又分二支鄧家山之西支曰深坑腦又分二支南支曰七瓣山又西少南曰顯明山北支曰罐兒腦又分二支罐兒腦之西南曰朝駕山又西北曰獅子山罐兒腦之西少北曰石山西臨漢洋河鄧家山之

西北支曰猛虎山其東小支曰大藟坡又東南曰九龍砦又東曰王永山又自猛虎山北至柑子園東其西北小支曰黃家莊山又北曰野雞盤又西止於漢洋河又自柑子園東北少東迤曰一支山又東至劉家腦北其西北小支曰桃家河坡東北小支曰張家包又東曰羅漢山又分二支羅漢山之東北支曰爛石砦北臨絞花池水羅漢山之東支曰穿孔砦又東止於車灣河自張家包至此爲車灣河以北絞花池水以南一小支又自劉家腦北迤曰李家山其西小支曰麻林坡又自李家山北迤曰雷陡砦又東曰和尚砦又分二支和尚砦之東曰香河砦又東曰窗戶砦又東南曰長嶺其東北曰爛石山其東曰礮臺山又東北曰紗帽山東臨大江自香河砦至此爲絞花池水北一小支和尚砦之東北曰木子嶺

又分二支木子嶺之東曰馬家岡又東北曰望子嶺又東曰羊角嶺又東曰高山坡又東止於大江西自馬家岡至此爲蓮花堰水南一小支木子嶺之東北曰邵家嶺其西北小支曰朱家岡又自邵家嶺北至蓮花鋪東又東北至蓮花堰北有蓮花堰水出焉又東至葉家村北又北少西曰蛇山又西曰龜山北臨大江西臨縣城此縣南支山也

小暑山在縣西南六十六里縣與長陽縣界山也其原自長陽縣來小暑山之東南曰棕山小暑山之東曰虎頭暑又東至栗樹腦北其北曰碑腦其東少南曰茶園坡又自栗樹腦北東北至涼水井南其東曰尖峯腦分二支南支曰榻板山又東南止於漢洋河北支曰將軍山又東南曰護腦山臨漢洋河又自涼水井南東北至七畝墻東其北曰轉磨暑其東

曰天沙坡又自七畝墻東北至蕭家沖西其東曰竹山其東南曰觀音暑又自蕭家沖西東北迤曰貫嶺又東至楊家腦東其東有獅子山臨漢洋河又自楊家腦東北迤曰黃茅山又西北曰竹根坡西臨銀家溪又東北曰孫家坡又東止於銀家溪南自小暑山至此爲石羊河銀家溪二水間一小支又自小暑山循縣與長陽縣界北至許家凹西其北小支曰跑馬嶺又北曰滴水包北出銀家溪水又自許家凹西西北迤曰艾家坡又東北曰欠兒坡分三支欠兒坡之東北支曰椽子嶺又東南曰周家山東出中拖溪水又東北曰雞頭山又東止於中拖溪水西欠兒坡之東南支曰羅家坡羅家坡之南曰九龍山九龍山之東南曰梁山九龍山之南少西曰尖峯腦又西南曰九龍山頭羅家坡之東曰鯉魚山又南至

老龍坪西其東南曰大和宮山又自老龍坪西東迤曰孫家
坳又東南曰趙家坡臨銀家溪自欠兒坡至此爲銀家溪東
中拖溪西一小支欠兒坡之北支曰古木嶺又東曰橫山又
東曰鳳尾山又東曰陡畧又東至猴子腦其南小支曰胡家
山又分二支西南支曰武威山又南曰黃家岡臨中拖溪東
南支曰龔家嶺又東曰螺山又分二支螺山之東南支曰棋
盤砦又南止於銀家溪東螺山之東支曰石羊山又東止於
漢洋河此中拖溪以東漢洋河以西一小支又自猴子腦東
南迤曰八字腦又東曰七里山其東北小支曰曹家山又北
曰獅子畧北臨清江又東曰磯頭山亦北臨清江又自七里
山東至張家塆北其南小支曰卧龍岡又自張家塆北東迤
曰安春腦又東北止於清江之西漢洋河之北此縣西支山

也

尖山在縣北三十二里其原自東湖來分二支尖山之東支
曰許家山其南曰高家山其東曰桃山又北曰大峯坪山臨
仙人溪此仙人溪南尖山水北一小支尖山之南曰石子嶺
石子嶺之東南曰打鼓山又分二支南支曰甲山又南少東
曰王家山北支曰道士畧又北曰白虎坡石子嶺之南曰荷
葉嶺又南曰曹家腦其東小支曰楊家山又自曹家腦南至
松樹包東南其南小支曰遊市坡又分二支遊市坡之東南
支曰王家嶺又東少北曰鹿角山遊市坡之南支曰小宋山
又西南曰宋山又分三支宋山之西北支曰鄧家坡宋山之
西南支曰張家沖山又分二支東支曰花山又東曰天坪山
又東南曰小螺山臨清江西支曰桃家嶺又南曰裴家坡又

南曰斗笠山宋山之西支曰孔家山又西曰廖家坡又南曰白家腦又西南止於清江又自松樹包之東南東池曰景家坡其東北小支曰袁家山又自景家坡東池曰陳家山又南至查坪東北又南止於大江之西南清江之西北此縣北支山也

趙家嶺在縣北三十三里其上自東湖縣來分三支趙家嶺之東支曰雷公坡又東南曰艾家山曰三山趙家嶺之東南支曰葫蘆山又東南曰繳撇坡又東曰店子嶺其西南曰蓮花山其東南曰杜家坡又自店子嶺東至趙家沖西北其東南曰江家坡又自趙家沖之西北東池止於滄茫溪趙家嶺之南支曰十字嶺又南曰分水嶺又南曰亭子山又東南曰長壽山又分二支長壽山之南支曰鳳皇山又南曰宋家山

其東南曰仙人掌山其西南曰獅子山又自宋家山南池曰羅家山又南至熊家沖其東南曰龍觜山其西南曰龜觜山長壽山之東南支曰長嶺岡其東小支曰紫荊山又東南曰劉家坡又自長嶺岡南至大和場北其東小支曰城山坡又南至魯家店南其北曰峯山岡其南曰張家山又自魯家店之南東池至破堰又東南止於滄茫溪西又自太和場北南池曰松山其西南小支曰胡家嶺又自松山南迤曰四陵陂又東南至丁家溝北其東南小支曰滾鍾坡又東曰穿孔畧又南曰甲山甲山之東曰高嶺坡甲山之南曰土地嶺又自丁家溝北東至龍潭沖北其東小支曰閻王嶺北臨淘米溪又自龍潭沖北東南迤曰石寶山分二支石寶山之東支曰李家岡又東曰王家山石寶山之東南支曰黃家岡其東南

小支曰土地嶺又東南曰大林坡又自黃家岡西南迤過枝江懸插縣境地曰李家山其西北小支曰兩壇嶺又自李家山西南迤曰梁山坡又西曰楊家山其西南小支曰長嶺岡又自楊家山東南迤曰羅家山其東小支曰磨盤山又自羅家山南迤曰金埧嶺又東南曰楊家山又西南曰夏家坡其南小支曰石子岡又自夏家坡西南迤曰上焦畧西南臨大江此縣東支山也

水

江水自東湖縣東南流至縣北三十六里之荆門山東右岸入縣境有仙人溪自東湖縣南流入縣境折而東流三里又轉而北流三里左會荆門山西小水又東流二里來注江水又南流五里右有尖山水東北流十里來注江水又南流半里左岸亦

光緒湖北輿地記十四

六

入縣境又南流四里逕古老背塘西又南少東流二里半左岸入東湖縣懸插縣境地又東南流六里左岸仍入縣境又東南流二里逕銀市西又南流四里逕龍王灘西又南迤西流八里逕沙灣塘西有草河耙洲橫亘左岸長二里廣一里略如半圓形又轉而東南流三里至城西北有清江自西來注

清江卽水經之夷水自長陽縣東流入縣之西境距縣城三十二里東少南流二里至郭家河又東流二里至朱津灘又東流一里左有白畧鋪水源出長陽縣之文佛山東少南流二里入縣之西北境又東南流一里又東流一里逕楊家山北又東流一里轉而南流三里又東南流一里逕筭箕凹東又南流二里東南流一里半逕周家嶺南又東流二里左受羶帽洞水又東流一里折而南流半里又東流一里半逕竹

坡山南又東少南流三里又南流一里左受富金溪支津又
迤而西南流三里逕燕子洞西又西南流四里逕渾水堰西
又迤而東南流一里半又轉而西南流二里又西流一里逕
白碧鋪東南又西南流二里來注清江既受白碧鋪水又東
南流一里逕鄆家沱南又東南流三里左有富金溪自東湖
縣南流入縣之北境南流二里又東南流二里逕張家坳之
東北又東南流三里南流一里逕洞山東又南少東流二里
逕跑馬嶺東又南流二里迤西南流半里有支津西出流二
里注白碧鋪水富金溪又南流四里逕荷葉嶺西又西南流
二里南流一里逕徐家山東北又東南流二里轉而西南流
二里逕富金溪塘西又西南流四里逕鄧家坡北又西流二
里來注清江既受富金溪水又南流二里轉而西南流二里

半逕機謀洲南又南少西流三里許右受人龍河水又西南
流四里仍入長陽縣境又南流二里轉而東少南流二里逕
下溪口北又東流半里復入縣境又東流半里至劉家渡又
東流一里轉而北流二里逕葉家埧西北又轉而東流二里
迤而南流三里逕石門東北又東少南流一里逕洞河腦西
北又東迤北流五里逕毛家泡北又東少北流一里半逕獅
子巖北又東少北流四里逕機頭山北又東少北流四里半
逕王家埧北又迤而東南流二里右有漢洋河源出長樂縣
之黑虎山東轉北流入縣之南境距縣城五十一里北少西
流二里逕梯兒巖西又北少東流二里許右有魯家沖水源
出魯家沖南西北流三里又西流二里左受風鼓洞小水又
北少西流二里逕馬鞍寢西又北少西流一里又西流三里

逕小尖峯北又西少北流二里逕仙女洞東南又西少南流
二里左受出長樂縣之望五山小水又北少西流一里西少
北流三里來注漢洋河又北流一里半右有耖耙洞水西流
二里許來注又西北流四里轉而東北流二里半右有劉家
村水源出劉家村東南西流二里入長樂縣懸插縣境地又
西流二里西北流四里又西少北屈曲流三里仍入縣境又
北少西流一里至三溪口右受羅老洞水又北少西流半里
又西流二里爲斧落潭又西少北流二里又西流二里逕仙
女洞東轉而南流二里又西流三里來注漢洋河又北少東
流二里逕張家村南左有石洋河源出長陽縣之龍坑北東
流七里入縣之西南境又東流二里逕朱山東北又東少南
流四里曰全福河又東流一里右有小水自長樂縣北流一

里半入縣境又西北流七里經櫟木嶺西南右合羅漢暑水
又西北流七里半來注石洋河既受小水又東少北流二里
東少南流半里又東少北流五里逕石羅漢南又東流二里
轉而東北流三里逕龍家凹西北又東北流一里又東南流
二里來注漢洋河又東北流二里至絲茅渡又北流二里經
護腦山東又東流二里至小溪口又北少東流四里逕馬鞍
子東又北少東流四里逕石山西又北少東流三里經牛耳
洞西又北少東流二里逕艾家灣東轉而北少西流一里又
轉而北少東流一里逕聶家河市東又北迤西流二里轉而
東北流一里又轉而東少南流二里至金鼓灘又東流二里
經鄢家灣南拖溪口北左有銀家溪源出縣西之滴水包北
流二里又東流二里東南流一里逕張家村南又東流一里

三板橋又東流二里轉而北流一里又東少北流一里逕柴
家村南又東流半里迤而東南流一里又東少北流一里至
陳家莊北有迎薰橋支津自江出南少東流二里又東少南
流一里至迎薰橋又東少南流半里有港東通黃家河又南
流二里來注蓮花堰水又東少北流一里轉而南少東流二
里逕高山坡之北一馬沖之東又東流半里折而南流半里
又折而東流二里有黃家河自江出西南流一里有港西通
迎薰橋支津又南流一里迤而西流一里又南流半里迤而
南少東流一里又南流一里來注蓮花堰水又東流一里半
注於江

江水又南迤西流四里逕陸遜洲之西馬家溪之東去右岸半
里有洲斜亘江中長四里廣一里略如橢圓形分江流爲二洲

西爲正流洲東爲分派傍左岸而行至洲盡復合於正流江水
又南迤西流四里半至紗帽山東南又南少東流三里半右岸
入枝江縣境又南少東流一里右有白水港西北受縣境之車
灣河水東流來注詳枝江水道篇江水又東南流二里逕堆窩
灘塘西南又東南流一里右岸逕枝江縣城北又東南流四里
逕窰河西南右岸有陽和嶺水東北流來注又東南流二里逕
上焦畧南又東南流二里右岸有小水東流來注又東南流二
里右岸有牛頭沖水東北流來注又東南流二里江中有洲曰
關洲東西長五里南北廣一里半江流至此分爲二又東流二
里右岸有募旗山水東北流來注又東流半里右岸逕洋溪鋪
北入松滋縣境又東少北流四里逕但家河南關洲至此盡江
水復合而爲一又東北流五里右岸有石撒鋪水北流來注

滋又北少東流六里逕羅家河塘東又北少東流六里逕老林
渡市東南又東流四里逕殷家坡南有木渣湖水南流來注又
東流一里半至漏洲卽上百里洲之首也江水至此分而爲內
外兩江外江自州首東流十里入枝江縣之東境內江自州首
東北流三里至滄茫溪口亦入枝江之東境均詳枝江篇

鄉鎮

縣有市集十四鄉四鋪十五

白洋市在城東十里梅子溪市在城東十五里觀音橋市在城
東二十七里林家渡市在城東二十九里紅花套市在城西北
二十里白田市在城西三十三里蕭家畧市在城南二十九里
沙灣市在城北五里銀市在城北十七里古老背市在城北二
十八里安福市在城東北四十里聶家河市在城西南三十四

光緒湖北輿地記十四

三

里栗樹腦市在城西南六十五里茶店市在城西北五里

鄉在城東者曰東鄉在城西者曰西鄉在城南者曰南鄉在城
北者曰北鄉

東鄉有鋪四曰青泥鋪曰雅石鋪曰青莊鋪曰泰山鋪西鄉有
鋪四曰蓮花鋪曰紅花鋪曰漢洋鋪曰興善鋪南鄉有鋪三曰
橫磧上鋪曰橫磧中鋪曰橫磧下鋪北鄉有鋪四曰善溪鋪曰
新添鋪曰峯山鋪曰安福鋪

聶家河汛在城西南三十四里安福市汛在城東北三十八里
南路鋪二曰官莊鋪曰石板鋪至枝江縣界凡十九里

北路鋪四曰三溪鋪曰高莊鋪曰木穉鋪曰長嶺鋪至東湖縣
界凡四十二里

橫路鋪二曰高莊鋪曰白畧鋪至長陽縣界凡二十六里

職官

知縣 教諭 訓導 典史 都司 千總 額外千總 把

總二員 一駐聶家河
一駐安福市